



增田
貢著

清史學要

四

柳田文庫
文庫11
A1670
4



文庫 11
A 1670
4

柳田泉文庫



清史攬要卷四

東原 留中 清 守 錄 如 五 卷 卷 九 增 田 貢 著

仁宗皇帝下

辛未 嘉慶十六年。大學士戴衢亨卒。

國初承前明舊制。機務出納。由內閣。軍事下議政
王大臣。雍正初。西北陞用兵。始設軍機處。特簡重
臣親臣。為軍機大臣。於是內閣之任轉輕。故清朝
軍機大臣。其重與魏晉六朝唐初之中書令。五代
之樞密院等。必大學士兼領軍機。乃可謂之當國。

戴衢亨

軍機大臣

清史攬要

卷四

萬壽堂藏

大魁秉政

其專直殿閣者。雖膺大拜。其實屬閑散。惟戴衢亨由大魁秉政。前後直樞廷三十年。知無不言。言無不盡。以迨教匪戡定。卒年五十七。賜諡文端。

蔣攸銛

帝西巡幸五臺山。西北刻出。其出由內閣軍車下。蔣攸銛為兩廣總督。時英吉利有護貨兵船。擅入內洋。攸銛命停貿易。

英人乃遵約如舊例。

癸酉十八年秋。帝獵木蘭。天里教賊李文成林清謀反。襲京城。留守諸官擊破之。清遂伏誅。

天里教

天里教者。亦名八卦教。聚眾斂財。愚民苦胥吏者。

強克捷
捕賊首

爭與焉。河南滑縣李文成。直隸大興林清為之首。妖煽徒眾。指星象。應在十八年秋九月十五日午時。文成黨數萬。清則密通京邑。賄通內侍。外倚文成之眾為援。將乘駕幸木蘭。回鑾作亂。謀已定。而中外莫知也。滑縣知縣強克捷聞之。捕文成。斷其脛。賊不能俟期。遂於九月七日。聚眾三千。破滑。出文成于獄。強克捷死之。直隸之長垣東明。山東之曹州定陶金鄉。同時殺官陷城。命直隸總督溫承惠。河南巡撫高杞。山東巡撫同興討賊。諸賊倉皇起事。遂不及赴林清外應之約。清及期。使其黨二

襲內城

宦官內應

賊攻諸門

皇次子燼

百入潛入內城藏兵械混酒肆中日晡分犯東西
華門白怕其首為蹄太監劉金引其東高廣福引
其西閻進喜為內應清自居黃村尚觀河南賊集
而後進時入東華門之賊即為護軍關門格拒奔
散其入西華門之八十賊反闕以拒官兵賊得內
監鄉導已知大內在西誤由尚衣監文穎館執關
入侍衛急閉隆宗門賊至不得入太監常永貴殺
由東華門入之二賊于蒼震門皇子等在上書房
聞變皇次子急命進撒袋烏銃腰刀命諸大監登
墻以望賊俄有手白旗攀緣踰養心門者皇次子

綿志

大雷電賊
震死
賊敗

旋蹕

罪已詔

發烏銃殪之再發再殪貝勒綿志亦以銃殪賊賊
乃不敢進將火隆宗門偶留守京師諸王大臣率
禁兵自神武門入衛敗賊中和殿門外薄暮忽大
雷電數賊震死餘股栗竄匿先後就禽并禽通賊
諸大監十六日飛報行在帝行獮至伊瑪圖忽山
潦驟發遂旋蹕命皇子先歸故得靖內難及得警
報則駕已至白潤時京師連日大風揚沙晝暗譌
言四起警擾達旦十七日回蹕駐烟郊下詔罪己
并責中外諸臣泄沓尸素致登朝未有之禍以功
封皇次子為智親王貝勒綿志進郡王銜諸大臣

賊揚遇春破

賞黜有差。以尚書英代綸為步軍統領。是日。禽林清于黃村。十九日。駕自烟郊還宮。人心始定。帝御瀛臺。親訊首逆。及通賊太監。皆磔之。傳首畿內。陝西提督楊遇春。總兵楊芳。連破賊。李文成燔死。李文成既據滑。以脛創甚。不能自出。又使其黨圍濬。而萃精銳于道口鎮。恃運河之糧。以戰守。且為諸賊號召。溫承惠等按兵不動。乃以陝甘總督那彥成代之。陝西提督楊遇春副之。又調滿州健銳火器營兵千。及西安徐州兵數千。遇春即日率親兵八十。破賊數千。追渡河。禽斬二百餘賊。賊敗入

髯將軍

劉清

文吏善戰

滑城堅

道口。遇春還北岸。斷浮橋。焚渡船。欲營其地扼咽喉。高杞等不可。那彥成亦聞賊盛不進。詔切責之。遇春以固原兵多斬獲。賊望見髯將軍。輒披靡。又敗滑城援賊二千。遂奪道口。燒萬餘人。復擊走桃源賊三千于城東。進圍滑城。時山東鹽運使劉清。大破曹州賊。復定陶。清以文吏。身先士卒善戰。山東略平。直隸總督章煦。亦禽賊首馮克善。直隸亦定。詔索倫兵悉赴河南。滑縣為古滑州舊治。城堅厚。外磚石。內土沙。大礮攻之。遇沙而止。賊運道口糧峙城中。足支一載。嚴令居民無敢內應。官軍圍

桃源賊

滑三面。惟北門隔葦塘未合圍。于是桃源賊首劉國明潛入滑。護文成出收外黨。西入太行。為流寇。計文成脛創不能騎。乃車載出北門。招賊四千。據輝縣山。那彥成遣總兵楊芳追之。芳伏騎白土岡。誘賊佯走。伏起敗之。殺二千人。文成窮窘。縱火自焚死。

楊芳

陝西總兵楊芳陷滑城。俘逆首牛亮臣。入對。聖大將時文成死。滑城未下。陝西賊又起。官軍掘隧。皆為所破。楊芳陽築柵進攻。潛掘奮隧。滿寶火藥。至期。將卒皆甲以待。平明西南城崩裂十餘丈。官軍奮

楊芳連捷

前登城。巷戰至夜。殺賊二萬。免老幼男婦二萬人。

俘首逆牛亮臣。徐安國等。檻送京師。滑縣平明年。

芳入陝。大破賊。禽逆首譚貴等。以功擢甘肅提督。

甲戌

十九年。以阮元為江西巡撫。禽賊首胡秉耀。

時豫東邪教初平。餘黨煽亂。朱毛俚假託明裔謀

逆。阮元馳往。禽胡秉耀等十七人。誅之。尋獲崇義

縣天地會匪鍾體剛。誅之。民情大安。

天地會匪

丙子

二十一年。以內閣學士湯金釗督江蘇學政。

帝手勅曰。江蘇士子不患無才。但須植德。其勉力

訓誨。務得真才以佐國政。

湯金釗

劉權之

戊寅二十三年。體仁閣大學士劉權之卒。

劉權之。歟。歷京秩五十餘年。以學行結主知。當官能舉其職。所敷奏。嘗不令人知。

庚辰二十五年。帝崩。太子綿寧即位。

宣宗皇帝諱綿寧。仁宗子。在位三十年。

辛巳道光元年。閩浙總督董教曾卒。

董教曾

教曾宏毅明果。在督撫中更有名。嘗謂人不可為無益事。不可為無益語。不可用無益錢。又云。刻已為儉。儉於人為刻。人知儉與刻之分。其於涉世也。思過半矣。

嚴如烜

以嚴如烜為陝西按察使。抵任七日卒。

擢漢中知府。嚴如烜為陝安兵備道。如烜周歷數

千里。相度形勢。增營改汛。興修水利。帝每與廷臣

疆吏首

言疆吏才。未嘗不首及如烜。尋拜陝西按察使。入

見奏對稱旨。抵任七日而卒。秦民巷哭如失父母。

兩廣總督阮元奏修廣州邊備。

阮元平盜

阮元奏設郵務局。修廣州城及鎮海樓。建三水行

臺書院。在粵十年。兼署廣東巡撫者六。水陸多盜。

前後嚴捕數千計。又擣姑婆山巢。其盜患乃息。西

禁鴉片

洋貿易多資鴉片。元惡之。乃疏請禁鴉片。以嚴馭

洋人憚之

洋商為務。遇事裁抑之。洋船在黃浦殺人。元命必得犯人乃已。洋商不能庇。犯人自刎死。又有擊殺民婦者。亦絞決抵罪。洋人憚之。

趙慎軫

以趙慎軫為閩浙總督。邊海盜寇盡平。

廣東布政使趙慎軫入覲。帝諭曰。卿誠實不欺。其益勉之。尋除閩浙總督。治軍。旋重申條約。徧頒諸鎮營汛。命諸鎮令陳文武優劣。驗之以事。故所用皆得人。漳泉江廣人。多租山立廠為業。凡十餘萬人。游民混跡。盜匪為害。慎軫就地勢。聯絡立鄉總。盜至鳴鉦逐捕。盜首皆就獲。所部晏然。

林則徐

癸未

三年。以林則徐為江蘇按察使。

林青天

林則徐年二十七成進士。選庶吉士。派習國書。授編修。益究心經世學。識者知為公輔器矣。仁宗朝授杭州嘉湖道。修海塘。興水利。士民德之。至是擢江蘇按察使。決獄平恕。民頌之曰林青天。

孫玉庭

甲申

四年。兩江總督大學士孫玉庭除名。

閱歷五十年

知歷事三朝。閱歷中外五十餘年。清操碩德為天下望。生平嚴重識大體。鋤剔姦黨。撫綏遠人。不邀旦夕不可必之功。銷患未萌。天下陰受其賜。

丙六年。回首張格爾叛。陝甘總督楊遇春戰渾河。大破之。

回人叛慶祥敗

楊遇春大克

天贊我

回首張格爾叛。隻寇喀什噶爾邊。將軍慶祥遣兵五千勦之。先後戰沒。赦罕首亦援張格爾。遂陷喀什。命大學士長齡為揚威將軍。以陝甘總督楊遇春為參贊。遇春連破賊。禽斬數萬。追至渾河。虜悉衆一戰。列陣二十里。會大風揚沙晝晦。長齡欲待霽進。遇春曰。天贊我也。賊不知多少。必不虞我。乃遣千騎赴下流。牽賊勢。自率大兵渡上流。礮勢與風勢相激。直突虜軍。大破之。復喀什噶爾。遇春結

結髮數百戰

楊芳平回

髮從軍。大小數百戰。身先士卒。陷陣冒矢石。未嘗受傷。勇冠諸將矣。甘肅提督楊芳擊張格爾。禽之。

楊芳請從軍。破賊。獲牲畜糗糧。進抵回城。又大破之。復與楊遇春大破張格爾。斬賊數萬。又斬逆首玉努斯。復和闐。與遇春至葱嶺。有浩罕賊二千。誘官軍入伏。鏖戰一晝夜。軍幾殆。乃步步為營。嚴陣出險。帝責諸將孤軍深入。召遇春以芳代之。芳縱反間言。官兵全撤。張格爾果襲喀什噶城。芳嚴兵以待。賊至。破之。又星夜追擊。斬獲殆盡。遂禽張格爾。芳

二楊

沈毅有幹略。通經史大義。少受遇春之知。執從子之禮甚謹。威望與之埒。天下稱二楊。

阮元靖邊

以阮元為雲貴總督。鎮靖邊夷。滇省鹽政久利弊。歲緡課十餘萬。元首劾蠹吏。力塞井竈之私弊。乃疏請酌留溢額銀兩備邊費。騰越有野人一種。茹毛穴處。時為邊患。保山夷曰獠。獠以墾田射獵為生。桑弩毒矢常好鬪。野人畏之。元以萬金招獠獠三百戶。置騰越邊界。給地屯種。以禦野人。於是南甸隴川上司二十餘寨來乞降。八年。帝御午門受俘。命誅張格爾。

標 桑弩 毒矢

子戊

受俘禮

回疆戡定。帝親受俘。兵部尚書王宗誠以緡縛逆酋張格爾。跪闕下。宣旨畢。引交刑部尚書。赴西市誅之。故事凡內地勦賊不獻俘。惟外夷獻俘。故惟康熙雍正乾隆間舉行。而嘉慶朝無之。故眾爭觀以為盛事矣。

且巳

九年。誅伊犁參贊容安。

誅容安

教罕安集。延流寓之虜萬餘人。攻喀什噶爾。焚回莊。伊犁參贊大臣容安統師赴援。至阿克蘇。畏虜不進。虜飽颺而去。詔責容安逗撓之罪。誅之。其父那彥成亦坐免。乃以長齡為欽差大臣。同楊芳哈

朗阿馳至軍與伊犁將軍玉麟經理邊事。

庚寅十年以朱楨桂為廣東巡撫。

朱楨桂

朱楨桂兼兩廣總督粵地接外洋其俗犷悍玩禁令楨桂申法制釐海舶在粵數年莠民革面西洋諸國皆奉約束。

蔣攸銘卒

故大學士蔣攸銘卒。

薦賢

蔣攸銘坐鹽泉事左遷侍郎召入都途卒帝深悼惜焉攸銘性聰強熟左氏其為政明而不苛清而不刻飾武備清吏源尤壹意培植賢才所薦者多躋顯秩。

浩罕納貢

辛卯

十一年浩罕遣使來盟通商納貢。

長齡

浩罕聞官兵大至遣使求貢俄羅斯欲以乞援俄已無外援乃有求市意帝命長齡至喀城則浩罕已遣三頭目來訴前事並請通商長齡留其一使奏言安邊之策振威為上羈縻次之浩罕無城池皆以騎衝陣不能馬上施銃遇連環鳥槍則先奔然其中有鐵列克嶺兩山夾河道僅容騎兩日方能出隘口不便遠涉寄信開導為羈縻之計命如其請浩罕大喜遣使通商納貢。

連環鳥槍

清史稿卷之四 十 萬壽堂藏

趙金龍作亂

永州徭趙金龍犯湖粵。

天地會

錦田趙金龍與常寧徭趙福才以巫鬼惑其衆時楚粵奸民結天地會屢劫徭寨牛穀于是金龍煽動其黨倡言復讎使趙福才糾合廣東徭湖南徭六七百人焚掠兩河口殺天地會徒二千餘人

辰壬

十二年湖廣總督盧坤破趙金龍斬之

盧坤

時湖南提督海陵阿被金龍誘殺副將游擊皆戰沒新田知縣王鼎銘死之桂陽常甯徭應之衆踴數萬官兵所調常德水師荊州滿騎皆不習山戰湖廣總督盧坤始至奏罷之改調鎮守苗疆兵會

王鼎銘

余步雲

羅思舉力戰

貴州提督餘步雲雲南副將曾勝皆來助距徭巢十餘里會大雷雨官兵乘勢進勦徭悉衆抗拒各路兵合圍湖北提督羅思舉晝夜督將士立泥淖中擲火弩斃數千人徭黨趙立鳳乞降思舉佯許之攻益急擒頭目數百人金龍易服遁為官兵所殺會廣東徭趙仔青糾數千人聲言為金龍復仇坤率步雲勝敗之禽仔青廣西徭盤均華亦起官兵禽誅之廣東連山黃瓜塞徭復煽亂官兵初失利曾勝往勦遂平之未幾越南奸民陳加海又入內洋為盜坤擊沈其八船餘寇悉平

殺金龍

禽仔青

誅金華

曾勝

平加海

清史攷要 卷之四 萬壽堂藏

連搖亂

壬辰十二年。總督李鴻賓討連州搖。敗績。

連州八排搖作亂。李鴻賓同提督率兵六千。三路進攻。搖伏險而突擊。三路兵皆敗。死者千餘人。禧恩余步雲再攻。遂降之。

林則徐撫江西

以林則徐為江西巡撫。

時吳中存餓。林則徐奏免逋糧。籌賑卹。盡結京控諸獄。味爽視事。夜半方息。數年如一日矣。江南人文甲天下。鄉試常萬六七千人。入鑾院時。竭一晝夜之力不能畢。有擁擠仆斃者。則徐創設信礮。立燈牌。陰以兵法部勒之。日晡而畢。

以兵法勒試人

吳有光

癸巳十三年。故湖廣總督太子太保吳有光卒。

吳有光性樸直。能言人所不敢言。其吏於郡也。大率多政績。

林則徐督湖廣

丁酉十七年。以林則徐為湖廣總督。

時荊襄苦水患。歲以為常。則徐修築隄工。躬自監視。

戊辰十八年冬。命林則徐以欽差大臣蒞廣東。查辦海口事務。

巴亥十九年。鴻臚卿黃爵滋疏請禁鴉片。

黃爵滋請禁鴉片。有旨下中外大臣議。湖廣總督

黃爵滋請禁烟

青史覽要 卷之四 萬壽堂藏

林則徐禁鴉片

林則徐條上利害。深切著明。帝嘉之。以林則徐為兩廣總督。禁英人輸鴉片。林則徐赴廣東。嚴禁鴉片貿易。乾隆嘉慶兩次焚鴉片數千函。以除民害。嗣後禁網漸弛。遂至販數萬函。帝患之。特命則徐便宜從之。則徐命英商出所蓄鴉片。張兵威臨之。英商懼呈千餘函。則徐責其少。英商不服。乃命斷其餽餉。英商窮困。盡其數而送呈。則徐示眾焚之。又復諸國互市。獨禁英商。英人大怒。以船艦迫。曰不復互市則戰耳。則徐不應。英人侵清船而去。則徐大修海防。會伊斯把爾

焚伊國船

亞船在洋。清兵疑為英船。襲燒之。英人求援之。英將蘓密多伺廣東。清兵戰不利。尋又寇香港。互有勝敗。英人復乞互市。則徐固執不許。庚子二十年。以陳化成為江南提督。

陳化成守吳淞

英人以禁鴉片構釁。擾海疆。化成守吳淞。時以英人就撫。廣東將撤防。化成獨謂欵約不可恃。請留所部兵不去。冬雪方盛。平地積數尺。時掉小舟往來海濱風浪中。或蹈雪按行部曲。嫗姁如家人。軍中呼為陳佛。

陳佛

伊里布

英人圍寧波。將軍伊里布戰禽其女酋。

英人入寇

禽英王女

議和

林則徐謫

英國發戰艦數十艘。來陷舟山。分路侵浙東。遂圍寧波。以伊里布為大將軍。赴禦戰。餘姚。英艦膠沙而止。鄉勇集攻。有女酋挺身奮鬪。手斬數人。鄉勇辟易。一人揮槍自後撞之。女酋傷。衆因禽之。并獲二十餘人。女酋其國王第三女也。英將贈書餘姚。令曰。還王女。則還侵地。往廣東奉令。不報。遂至京。師請和。帝命欽差大臣琦善。赴廣東議之。

二十一年。魏兩廣總督林則徐。謫伊犁。及清英和議起。林則徐為忌者所中傷。謫伊犁。則徐在塞外。奉命勘辦閩墾事宜。親歷庫車阿克蘇。

縱橫三萬里

魏琦伊職

起林則徐

綿瑩

烏什和闐喀什噶爾。及伊拉里克。塔爾納沁等城。縱橫三萬餘里。水利大興。稍暇則以筆墨自娛。獲者寶之。在官事無巨細必躬親。家居必熟訪民間利病。白諸當道。民心大服。

魏欽差大臣琦善伊里布職。

伊里布琦善奉命赴廣東議和。英將曰。不還王女。則大舉報之。琦善等私斷返王女。魏林則徐職。于是英人撤浙東兵。而駐廣東。悉奪洋館。兵勢甚熾。帝大怒。責伊里布琦善見紹。奪其職。起用林則徐。經理浙東。命親王綿瑩為大將軍。統師赴廣東。英

清史稿卷之四

萬壽宮

再議和

將恐襲擊。棄館入船。清兵追戰海中。失利。英兵登陸復取館。清兵再戰不捷。英將請退清兵于六十里外。得償金六百萬兩以罷兵。許之。英兵乃去。時東印度鎮將噶嗎噠奉女王命。以三萬二千人至澳門。英軍大震。再犯廣城。陷香港廈門。進攻定海鎮海。

定海陷

英人陷定海。總兵葛雲飛王錫朋等力戰死之。

葛雲飛 王錫朋

葛雲飛王錫朋往鎮定海。定海之城。三面據山。臨海無屏蔽。輒議請城其三面。列巨礮。塞竹山門。深港已而英人集廈門。復請增礮備船。皆不省。英人

王錫朋

果犯定海。攻竹山門。而又窺東港浦。皆擊卻之。於是雲飛駐土城。王錫朋守曉峰嶺。鄭國鴻守竹山門。英船二十九艘。眾二萬餘。清兵僅四千。飛書大營請濟師。不許。飛死守。毋望援。天雨浹旬。雲飛往來潦中。屢戰卻敵。相持數日。會大霧。英人全隊逼土城。我兵礮沈其舟。英人分攻曉峯竹山。曉峯無礮。英人奪間道下攻。破竹山。薄土城。英人殊死進。雲飛率所部二百餘人。持刀步鬪。英酋安突得執綠旂麾兵進。雲飛罵曰。逆賊。終污吾刀。斬之。刀抗。復拔所佩刀。再衝敵軍。至竹山門。方仰登。敵刀劈

雲飛等血戰

約桶焚敵

徐保

鄭國鴻

爾浦陷

長喜

韋逢甲

其面血淋漓。猶登。忽礮洞胸而沒。方寇逼也。行營有藥桶二。雲飛納火線。書曰軍餉。城陷。英兵爭取之。火發焚數百人。義勇徐保。夜探雲飛屍。見兩手握刀不釋。立崖石下。王錫朋亦手殺數十百人。短刀陷陣死。處州總兵鄭國鴻亦力戰死。是役。府帥觀望不救。故三總兵敗矣。

壬寅二十二年。英人陷爾浦。都統長喜。同知韋逢甲等力戰死之。

英將嘆喞渣攻爾浦。先使輪船探津口。商民震悚。避難者相蹈死。時城中兵集而旗色慘淡。眾為之

張惠周恭壽

恭壽死烈

徐雲

劉鳳姑

劉七姑

胡娘

好官

危。英艦六艘大如丘阜。清兵望見而氣索。所發礮丸落冰不達。英人大笑。以一艦迫碎礮臺。先鋒五百人。自唐家灣而登。直突南門。南門破。英兵益進。陷東門。都統長喜同知韋逢甲帥張惠周恭壽欲騎戰蹀之。英兵林立。籠劍銃而跪。陣堅不可犯。周恭壽奮然策馬直突。三將繼馳。血戰斬百餘人。恭壽中丸墜馬。猶瞋目決起。斬數人而死。清兵敗退。保胡廬城。長喜逢甲亦奮戰俱死。都統徐雲在城先刎死。此役。閩女殉節者。劉鳳姑劉七姑胡娘之屬最多。英人亦稱逢甲等為好官云。

清史稿卷之四 萬壽堂

陳化成死節

英人陷下浦。逼吳淞。江南提督陳化成力戰死之。

與福不薄

英人陷下浦。戈船三十艘逼吳淞。吳淞以東西礮臺為犄角。西礮臺在海口北。距寶山六里。陳化成扼西礮臺以守。時制軍牛鑑在寶山。懼謀化成對曰。無恐。以礮扼險。可決勝。公第坐鎮。毋輕出入也。又語參將周世榮曰。吾與汝。福皆不薄。周愕然。化成曰。詰朝戰而勝。則受上賞。不然。亦俱不朽。非福而何。明日。英船排江進。化成登臺。執紅旗揮戰。轟礮及千聲。自卯及巳。壞六七艘。英人沮欲退。清兵噪而奮。牛鑑聞師利。趨出。及三里。英人從橋上覘

壞英船

龔齡增

其幟。駕礮狙擊之。鑑跳而免。師遂潰。英人供力攻急。世榮請奔。化成拔劍叱曰。庸奴。誤識汝。世榮逸。英人登岸。礮彈雨下。化成顛復起。猶手燃巨礮。創重。歎血死。年六十七。同殉者守備龔齡增以下。合八十餘人。吳淞既陷。越十日。嘉定令練廷璜得屍葦中。百姓罷市哭奠。詔立專祠。予謚忠愍。世襲輕車都尉。

裕謙

鎮江陷

英人陷鎮江。欽差大臣裕謙等死之。

英兵已陷吳淞。破橫江鐵鎖關。直進。清兵七萬人沿江列營。無他奇策。英船深入鎮江。陷府城。將軍

祥雲
海齡

齊慎夜遁。欽差裕謙。副將祥雲海齡等皆戰死。南京大震。

命伊里布琦善會英將璞鳴渣定和議。

清英定和
議

英兵取鎮江。乘勝進至燕子磯。距江寧僅三十里。帝知其不可防。復用伊里布琦善。馳援請和。遂會璞鳴渣于江寧為盟書。其略曰。清國焚滅鴉片。納銀二千六百萬兩償之。以廣州福州寧波廈門上海為英國交易之區。香港永歸英國。清英官吏以同等交接。無相背矣。布噶爾伐教罕滅之。

償銀
交易五所
與香港

教罕亡

布噶爾虜教罕王子伯克來告捷。布噶爾尤強大。先以女嫁教罕。伺之多年。遂滅之。以為屬部。

臺人殺英
人

臺灣民殺英人。命免總兵洪達。英人遇颶于臺灣而船壞。臺人惡英人有年。乘其難。禽船人。總兵洪達命殺之。英將璞鳴渣致書曰。暴殺如此。而不罰。則我將以兵問之。命解洪達職。命琦善謝之。

守備李沅發作亂。新甯千總鄧紹良擊禽之。

鄧紹良
裳甲血赤

鄧紹良自幼以將略自許。補鳳凰廳把總。從征崇陽。身被數創。裳甲盡赤。以功擢千總。晉守備。李沅

將略

發為亂新甯。紹良帥五百人擊之。賊悉銳迎戰。紹良搗戈直前。所部從之。賊辟易。仍據險旅拒。紹良命將士乘晦。銜枚登山。噪而馳。賊驚潰。不知所為。蹂踐死者無算。遂生禽沅發。檻送京師。以魏源為中書舍人。

魏源

魏源借觀史館秘閣。及士大夫私家著述。旁羅國初以來軍國要務。是年英人屢陷閩疆。軍問沓至。源慨然發胸中之藏。排批經緯。馳騁往復。先取其涉兵事。及所論議若干篇。著聖武記。以洩敵愾。復據林則徐所譯洋人之四洲志等。述海國圖志。蓋

聖武記

海國圖志

林則徐督陝甘

演巨礮

賞老卒

己乙

為以洋攻洋。以洋款洋。師洋技。以制洋人而作。以寓懲毖之意焉。二十五年。以林則徐為陝甘總督。林則徐免戍再起。及臨任。會野番肆劫。先命鎮將防護馬廠。時承平久。營政弛。則徐出按邊。命演巨礮。舉營無知者。一老卒能之。立授以官。士氣爭奮。尋勦番族。漢奸殆盡。明年遷陝西巡撫。關中旱。民不能耕。爭殺牛以食。則徐曰。如此則來歲又饑也。命官收牛償其值。勸富民質牛。予以息。次年乃大有秋。

李星沅

丙二十六年。以李星沅為雲貴總督。平緬甯賊。時緬甯回賊作亂。亟調官兵分道進。腹背擊之。渠魁馬國海亡走。潛結雲州回賊馬登霄海連升等。劫囚亂邊。李星沅定謀。檄諸將迅擊。而縱諸回被脅者。不三月。事大定。

林則徐 雲貴

丁未

二十七年。以林則徐為雲貴總督。平緬甯賊。滇中漢回。構釁垂數十年。焚殺無虛日。林則徐至。則諭之曰。止分良莠。不分漢回。適回民丁燦廷赴京。疊控漢民沈正達。有司提犯人解訊。保山民糾眾奪犯人。燬官署。殺回戶。并抗拒鎮道兵。則徐提

分良莠

繪像祀

廣東民逐英人

兵出勦。途次聞趙州客回。勾土匪謀亂。進破其柵。殺賊數百。保山民股眾。還犯人迎師。則徐召漢回父老。諭以恩信。復乘勢搜獲永昌順甯。歷年拒捕戕官之諸匪。誅之。滇人繪像以祀。

廣東人逐英人

廣民怨英人。沁骨。每以小故爭鬪。至是。廣民抗拒。悉逐在留英人。香港英將聞之。竊遣數艦。襲廣東壘。若取之。廣東總兵自至香港。謝英將。復侵地。并許英國軍艦駐港警變。

廣東天主教徒洪秀全等。謀亂。就囚。尋放之。

洪秀全謀
乱
添丁會

廣西距京都七千餘里。土瘠民貧。苗獍雜處。林深
菁密。為逋逃淵藪。舊有添丁會名目。教主曰洪德
元。入其教者。每歲納銀五兩。愚民奉之如神。地方
官皆粉飾太平。亦恐以查拏得咎。競相隱諱。洪秀
全者。廣東花縣人。年四十餘。有膽略。略識字。不知
其姓。前入會教。及德元死。冒洪姓。代為教主。復附
天主教。自稱耶穌之弟。天父火華第二子。復唱兵
死者。竟得升天受福。與潯州人馮雲山韋昌輝。結
為死黨。雲山通字義。造妖書。令富者助銀入教。曰
求生獲利必百倍。施者雲集。積資數十萬。遂生禍

三賊相合

升天受福

天父

賈令甯

放賊

秀全復反

心。昌輝家富。幼習拳棒。膂力絕人。互相勾結。數年
間聚眾二千餘人。約期舉事。為人所告。桂平知縣
賈令甯捕三人。籍其軍器。送潯州獄。粵西巡撫鄭
祖琛。老昏。嗔其多事。知府顧元愷。伺其意不審訊
而釋之。秀全等回廣東。立寨于佛鎮山。專行搶掠。
聚黨益多。揚秀清石達開等。凶魁二十七人歸之。
勢益張。

庚戌

三十年。金田賊洪秀全反。陷廣西諸城。

洪秀全起事金田。得眾數千。憚廣東兵強。喉大股
賊梁亞四。遙為聲援。秀全自率郡賊二千人。襲破

金廷彪

平樂府。秀清亦率萬餘人攻鬱林。北流縣武舉金廷彪率義勇千餘人來援。賊解圍去。尋陷永安等數城。殺官辦十餘人。巡撫鄭祖琛素以諱盜為事。至是始上奏。廷議始決征勦。

鄧紹良

千總鄧紹良擊洪秀全敗之。洪秀全屢敗官軍。提督向榮檄鄧紹良與為犄角。連敗賊。賊竄潯州。駐大黃江。乃蹙兵渡對賊壘而軍。別賊數萬自牛排嶺來會。紹良引精騎五百衝其陳。張左右翼繼之。兩路賊皆敗。命兩江總督李星沅赴廣西勦賊。軍敗。

李殿元

張鏞

田繼壽等

賊竄平南。副將李殿元礮擊卻之。賊復來戰。禽巡檢張鏞。鏞罵賊而死。賊返金田老巢。李星沅使貴州副將伊克坦布伐之。嘉應州民數千人投賊。賊勢正熾。千總田繼壽把總潘總邦等皆死之。帝崩太子奕訢即位。

文宗皇帝諱奕訢宣宗四子。在位十一年。

辛亥 咸豐元年。詔天下廣求賢才。

給事中呂賢基應詔陳言。一懋聖學。一正人心。一

育人才。一恤民德。

洪秀全僭王號。侵桂平。入象州。

清史稿卷之四 咸豐 三 萬壽堂

賊僭号
向荣
王崇山

洪秀全由金田出關。至大黃江。提督向荣進攻。殺二百餘人。及再戰。守備王崇山等十二人陣亡。秀全益驕橫。自號太平王。分侵桂平貴武宣平諸縣。入象州。

雲貴總督林則徐與疾討洪秀全。遂卒潮州。

林則徐卒

特命以林則徐為欽差大臣。馳赴廣西督勦。又署巡撫事。則徐嘗督粵。威惠著聞。中外想望。至是力疾出。粵民相慶。賊聞半散。秀全怖謀遁海。則徐卧輿兼程。日行百餘里。從者勸節勞暫息。則徐曰。二

賊聞半散

水天雪窖

万里水天雪窖。執戟荷戈。未嘗言苦。此時反憚勞

英易與
俄為患
星斗南

軍民失倚

賊不足平

大忠行狀

乎。仍星馳不止。病益劇。行次潮州。卒於廣甯行館。則徐長不滿六尺。英光四射。聲如洪鐘。時方以英吉利為患。則徐曰。此易與耳。終為患者。其俄羅斯乎。聞者惑焉。臨終呼星斗南者三年六十六。謚文忠。其最關治亂者。以辨洋務勦粵寇為大。而皆齎志以終。天下共惜之。自則徐卒。軍民失所倚。賊遂不可制。踰嶺涉湘。絕長江。據金陵。又十四年。竭海內全力。屢乃克之。論者謂。假則徐數年。賊不足平矣。則徐孝友自奉甚儉。而資戚族。歲數千金。尤愛士。所至選拔收用。性警敏。摘伏如神。馭左右最嚴。

林汝舟

每黑夜潛行微察。下無敢為奸。然待人恕而誠。常道人善。如不及善。飲喜夾。服官後。皆卻不御。子女舟嗣。官編修。

張必祿
蜀中名將

提督張必祿討賊卒于軍。以兩廣總督向榮代之。

張必祿奉旨馳赴廣西。至軍未幾亦卒。必祿蜀中名將。三省教匪之亂。手舞大刀陷陣。所向披靡。戰功最著。由偏裨至大帥。論者謂則徐善謀。必祿善戰。使竟其用。賊不足平也。已沒。以兩江總督向榮代之。榮亦宿將。屢立戰功。素得士心。臨陣身先士卒。所向克捷。賊甚畏之。

向榮

大學士賽尚阿。至粵督師。秀水知縣江忠源來從軍。破賊永安。

過必隆
刀
賽尚阿
巴清德
遠洪阿
開隆阿
長瑞
長壽
江忠源
江忠濬
弊衣搞項

賽尚阿為欽差大臣。率都統巴清德。副都統遠洪阿。馳往楚粵。及陞辭。特賞授過必隆刀。以壯其行。侍衛開隆阿。天津鎮總兵長瑞。甘肅涼鎮總兵長壽。亦隨之。賽尚阿至粵。聞江忠源知兵。召致軍前。忠源募鄉兵五百人。使弟忠濬帥以來。號楚勇。忠源始至。弊衣搞項。諸軍竊笑。時賊氛甚惡。官兵莫敢撻之。忠源進擊斬數百人。又進破永安賊。衆始服其膽勇。

大學士賽尚阿破洪秀全於新墟。

烏闌泰

秦定

洪秀全由象州回新墟。賽尚阿所募廣潮川楚等兵約三萬人。與都統烏闌泰刻期會勦。潛行渡江。令總兵秦定張三伏。一日七勝。殺三千人。賊遁據險。既而官軍敗。賊勢復振。

洪秀全陷永安州。僭國號。封諸賊。

借号偽封

洪秀全水陸攻永安。陷之。建號為太平天國。秀全自為天王。楊秀清為東王。蕭朝貴為西王。馮雲山為南王。韋昌輝為北王。石達開為翼王。洪大全為天德王。秦日綱等各稱丞相軍師。

莫家村捷地雷策

都統烏闌泰大破賊于莫家村。

見旗不近

賊分大隊屯莫家村。烏闌泰進勦。埋地雷誘賊。建旗于秀才嶺。帳前植一紅蓋。賊果大至。攻中軍。技蓋而火機觸發。燒殺數千人。其後見烏都統之旗。輒不敢近。

磔洪全

子二年。都統烏闌泰等復永安州。禽洪大全。

官兵圍永安。日夜礮擊。賊潰圍走。烏闌泰追擊。斬二千餘人。禽洪大全。送京師磔之。

賊犯桂林。都統烏闌泰死之。知縣江忠源赴援。斃馮雲山。

飲臂血誓
烏闌恭中
砲
江忠源解
田
斃馮雲山

廣西守
鄒鶴鳴
吳鼎昌
馬龍閑
凌雲梯
呂公車

馮雲山犯桂林。總兵四人拒戰而沒。烏闌恭聞之。以刃刺臂洒血。呼將士共飲。誓師赴援。血戰破賊。竟中礮死。江忠源亦力疾馳至。三戰三捷。遂解桂林圍。賊又破全州。赴湖南。忠源絕蓑衣渡。鏖戰兩晝夜。以礮殪馮雲山。忠源以解圍之功。擢知府。楊秀清犯廣西城。巡撫鄒鳴鶴等拒戰卻之。

楊秀清攻省城。鄒鳴鶴與藩司吳鼎昌。副將馬龍閑。晝夜守禦。賊登象鼻山。架礮轟擊。鉛丸如雨。城中靜守不為動。賊設雲梯攻城。城中燕油燔之。又以大竹製呂公車。高與城齊。奮呼登攻。城中縛炬

余万清棄
道州
江忠源破
賊
郴州陷

李啓詔死
節

長竿燒之。賊焦爛墜殪。相持三十日。賊計竭解圍去。賊取道州。湖南提督余万清棄城走。賊入道州。余万清失守走。道州俗慄悍。從賊者多。爭致死。賊進破桂陽。江忠源來戰大破之。賊棄城遁。轉陷郴州。郴境當湖粵之衝。商賈輻輳。賊據之。勢復振。忠源會諸軍壁其三門。相持月餘不決。賊陷桂陽城。知州李啓詔死之。

洪秀全敗入永安。官兵圍之。會郴州李嚴通作亂。戰敗歸秀全。俱突圍走。供力攻桂陽。知州李啓詔。

清史稿卷之四 萬壽堂藏

堀煤蛮 龍口法

登陴礮殺一賊將。賊怒。令堀煤洞蠻數百人穿地道。名龍口法。其中用地雷火。城垣迸裂四丈。賊從東門入。啓詔被執。罵賊而死。賊轉破柳州醴陵。進向長沙。

賊犯長沙。巡撫駱秉章等拒戰。斃蕭朝貴。

長沙城守 駱秉章 鮑起豹 張亮基 秦定 和春 江忠濟

賊圍長沙。礮聲聞數十里。駱秉章等登陴拒守。提督鮑起豹使蜀兵下擊。多殺傷。巡撫張亮基自雲南來。緹城入。堵禦益力。江忠源亦倍道赴援。會蕭朝貴中礮殲。獲其尸梟之。洪秀全楊秀清聞之俱來。并力奮攻。勢甚振。向榮秦定和春亦來。忠源弟

張協中 鄧紹良 瞿騰龍

忠濟自郴州尾賊而至。賊伏叢間。挺矛刺忠濟墜馬。遇救免。賊復以龍口法壞城。三千人蜂擁而登。參將張協中戰沒。城中出空棺實土。築堵立成。副將鄧紹良手刃數人。丸透膊不動。官兵齊奮。斬五百人。已而地雷復發。副將瞿騰龍力戰。又殺數百人。城中糧食火藥俱足。協力死守。城殆陷者數次。遂得全。賊皆渡湘南去。

董振鐸 劉宏庚 岳漢陷

洪秀全陷岳州。進攻漢陽。知府董振鐸。知縣劉宏庚死之。賊攻破甯鄉。殺掠甚慘。楊秀清誘脅各路土寇多

舊款兄弟

博勒恭武
敗走

岳州富庶

松燈照江

從其自廣西隨者為舊兄弟。自湖南投者為新兄弟。眾十餘萬。圍岳州。其城臨大江。三面陡絕。險峻可守。湖北提督博勒恭武督兵防堵。礮聲未絕。鄉勇已誘賊。城立陷。博勒恭武敗走。城中舊存吳三桂軍械砲礮。盡為賊有。岳州富庶。賈帆雲集。賊入長江。旬日奪五千艘。婦童貨財。盡驅滿載。洪秀全自駕龍舟。樹黃旗。列十餘砲。夜則點三十六燈。他船稱之。江面如晝。數十里火光不絕。遂長驅攻漢陽府。地雷破門。直冒烟入。知府董振鐸率家丁巷戰而死。知縣劉宏庚自縊。已而陸賊數萬亦至。陷

武昌初陷

釘砲門

常大淳
馮培元

演城上

漢口。漢口五省通衢。為四大鎮之一。百貨山積。賊悉掠之。去渡江。欽差將軍向榮破賊武昌。賊再至陷城。知府常大淳死之。

賊攻武昌。向榮率六千人。星夜馳至。連戰大勝。賊尸蔽江而下。天忽大雨。平地水深數尺。榮引軍還營。是夜悍賊數人伺戰。克而急攀堞而登。盡釘砲門。黎明大隊破門而入。城兵潰敗。常大淳自盡。馮培元等殉難者數十人。榮阻江無船而不能求援。洪秀全獲優伶二百人。連日演城上。官兵隔江遙

清史摺要

卷之四

廿六

萬壽堂

望不能復攻。

大學士太師杜受田卒。

杜受田

杜受田自道光十六年入直上書房。及帝登極。前後十七年。輔導帝未嘗一日離側。及卒。詔曰。杜受田公忠正直。賜謚文正。

以戶部尚書翁心存兼順天尹。

翁心存

時粵賊北竄。京圻驛騷。乃徵關東索倫。及蒙古兵。駐畿甸外。其所需車馬芻糧無算。翁心存皆先期辦治。又列柵屯守。簡民兵。以壯聲援。烽堠百里。金鼓四聞。賊憚有備。遂不敢偏。

畿甸警備

癸丑

三年。洪秀全去武昌。陷興國。知州李源等死之。

賊去武昌
徐豐玉
張汝瀛

李源
許連城

金雲門

九江敗
陸建瀛走

恩長戰死

洪秀全盡載寶貨。全軍出武昌。舳舻百餘里不絕。進向九江。楚省無復賊踪。官兵代入城。又不追躡。賊陷興國州。入田家鎮。道員徐豐玉。張汝瀛迎戰。敗績。與知州李源。都司許連城。皆殉之。賊復破黃州。知府金雲門被執。罵賊死。

洪秀全陷九江。兩廣總督陸建瀛敗走金陵。

欽差陸建瀛率二萬餘人千五百船。沿江而下。使壽春總兵恩長率二千人先發。遇賊黃石港。礮擊沈十餘艘。而賊百餘艦俄至。恩長負傷。力戰投江。

死。餘船被礮覆沒。建瀛狼狽。夜走金陵。隨行十七人。船二隻而已。金陵諸將奮勵議戰守。建瀛托病不出。賊至九江。收官兵委棄之砲仗。遂據其城。

洪秀全陷金陵。將軍祥厚。副都統霍隆武等死之。

賊奔九江 洪秀全以九江城空棄去。大軍下江。破安慶。殺巡撫蔣文慶。奪銀數十萬兩。米四十萬石。水陸並進。

殺蔣文慶 賊中有蕭三娘者。率女兵百人善戰。皆廣西產也。

女兵百人 賊取太平蕪湖。犯金陵。即明南京也。石達開韋昌輝大隊首攻城。城外有壯士米行者率義勇捍戰。

米行 殺千餘人。城兵在聚寶門。放空砲。賊知備虛。授絕。

地雷崩城 金陵陷 殺陸建瀛 福珠隆阿 劉因櫻 吳賡 章濬文 陳廷柏 祥厚 霍隆武 殺男婦閩童子

百道並攻。掘地百餘丈。發雷火。城崩十餘丈。守兵潰亂。陸建瀛易服走。為賊被殺。前任廣西巡撫鄒鳴鶴。提督福珠隆阿殉之。上元知縣劉因櫻。公服坐堂。罵賊投水死。紳士被難者。工部主事吳賡。郎中章濬文。山西同知陳廷柏。及孝廉生監數十人。也。賊益進攻滿城。滿城者。滿州軍所守也。將軍祥厚。副都統霍隆武拒戰。男女悉登陴。志誓必死。賊攻擊甚急。城遂陷。祥厚以下二十餘人殉之。賊殺男女四萬餘人。閩童子三千餘人。以洩抗守之忿。賊圍湖州城。兩湖總督吳文鎔拒擊卻之。

湖城守
兵文鎔

與城存亡

鎮揚陷
欲襲北京

賊陷金陵。中原震動。帝知文鎔有威望。自雲貴移督兩湖。至則賊自下游。破田家鎮。省城晝閉。居民一夕數驚。巡撫羅綸移營城外。豫為走計。文鎔知之。策馬詣綸。約死守不聽。文鎔怒。拔佩刀置案上。曰：城存與存。城亡與亡。言出。城者齒吾刃。綸默然。議乃定。賊已薄城。文鎔慷慨登城樓。激勵將士。衣不解者數旬。捍禦甚力。賊遂解圍而去。

林鳳祥陷鎮江揚州。

洪秀全欲分兵守江南。自由淮安襲北京。或說曰：北路無水乏糧。今據長江之險。舟師萬千。宜以金

陵為基。乃從其策。遣林鳳祥水陸東下。陷鎮江揚州二府。劫資財千百萬。分扼浦口瓜州。以阻南北路之師。

欽差大臣向榮擊賊於通濟門。大破之。

向榮攻金陵附郭之土城。克之。又襲通濟門。殺數千人。尋取鍾山。禽陳轉鬻之。賊懼不敢出。榮又以計殺萬餘人。

大學士琦善等攻揚州賊。破之。

漕運總督楊殿邦攻揚州。大學士琦善勝保直隸提督陳金綬亦合勦。斬千五百人。次日五戰五勝。

揚州捷
楊殿邦
琦善
陳金綬

金陵大捷
鬻陳賊

又乘霧攻其不備破之城外全無賊蹤

閩浙總督慧成等與賊戰揚州破之

慧成
查文經
雷以誠

以誠廣延豪俊捐資募義勇別成一軍賊日出爭路欲潰圍官兵每戰必勝前後殲萬餘人賊始窮蹙

侍郎曾國藩治鄉兵討賊

曾國藩治鄉兵
戚繼光紀
効新書法
湘勇營

曾國藩以親喪在湖南湘鄉有詔使治鄉兵討賊國藩乃詳設方略鍊鄉勇仿明戚繼光編東隊伍法創為湘勇營其制每營五百人擇官吏書生誠

出俊傑

樸者厚其資糧嚴用軍法先擊衡山瀏陽賊皆平之湘勇遂以勁旅稱俊傑之士相繼而起皆以忠節名於時

解南昌圍

湖北按察使江忠源破賴漢英解南昌圍

張芾
陳孚恩
江妖來
林福祥

偽豫王胡以晄犯安徽桐城破集賢關遂再陷安慶偽丞相賴漢英石祥貞攻九江湖口進圍南昌巡撫張芾尚書陳孚恩等拒守江忠源星夜赴援賊望其旗幟驚曰江妖來何速也賊呼官吏為妖故云忠源入城與知府林福祥出戰破賊燒船賊復用地雷壞城肉薄而登忠源與弟忠濟力戰賊

遂敗走。

參將師長鑣樓船攻揚城。總兵雙來戰死。

樓船代雲梯

先是賊自鎮江出。焚官軍七營于北固山。鄧紹良退守丹陽。琦善出師。破賊於三汊河。賊退入揚州。

師長鑣

城。師長鑣命造樓船。代雲梯。船尾豎板二丈。乘潮倚城墻。約束已定。長鑣先突城。賊見樓船駭散。長

雙來戰死
罪馮景尼

鑣所期。馮景尼兵不至。遂不能登。賊見無後應。返來焚船。琦善使雙來攻北城。中礮傷。從兵負之退。來忍痛大呼。登城殺賊。次日遂死。詔褫景尼職。詔各直省。行堅壁清野法。

堅清法

上策

河南諸城

正倫
光章熊
閔封城形

各路統兵大臣。頗以戰功入報。而賊尚縱橫出沒。分陷江南北郡邑。重城亦未有克復者。帝洞知其弊。詔命堅壁清野之法。或築壘浚濠。或練團兵。守望相助。協力同心。一隅有警。四隣畢至。使賊進無所掠。退無所歸。不能乘便超軼。自兵興。訖盪平。終以此為上策。

吉文元圍閔封府。河南巡撫陸應穀拒戰卻之。

洪秀全以金陵為巢穴。吉文元入河南。拔永城歸德。殺參將正倫。同知章光熊。知縣錢文偉。進圍閔封。其城自為河決所陷。就舊址新築。而黃沙壅堆。

陸應穀

邪法起霧

雷震妖賊

十四縣陷

懷慶城守

余炳

賊不能用龍口。三十里內。亦無蔭蔽。陸應穀城上礮擊。賊不能避。賊中有徐軍師者。素習辰州邪法。披髮仗劍。能起雲霧。從下望城。纖微可觀。自城瞰下。模糊不辨。賊攻城。屢用此術。是日賊正修法。忽雷火下擊。妖賊震死。大雨如注。平地水深四尺。賊解圍去。而掠朱仙鎮。夜渡黃河。又拔襄城鄆陵等十四縣。向安徽去。

吉文元圍懷慶。知府余炳。知縣裴寶鏞。固守不下。大學士勝保赴援。大破之。殪文元。吉文元率八萬人。渡河攻懷慶。余炳裴寶鏞。憑城

裴寶鏞

奇囚探地雷

勝保

破帽燒鬚

吉林騎殺傷吉林二首

固守。賊百道並進。砲聲震數十里。城殆陷者數次。城中有一囚。能破地雷。黎明見草色。知地道所在。伏聽聲。聲在城下。即發掘探之。得地雷十五架。皆以棉包藥。灌以油。通線竹竿。遙隔燃火。藥乃發。城爆裂可期。而幸免難。炳厚賞囚。酬勞。與賊相持逾月。諸道援軍至者二萬人。連營犄角。遙為聲應。勝保率滿洲騎兵二千。直逼賊壘。策馬陷陣。砲丸兩注。破兜帽。燒馬鬚。而猶進戰。斬數千人。已而城中糧竭告急。勝保連捷。屢斬賊酋。所率吉林騎。又射殺文元。傷林鳳祥。賊大恐。遂解圍西走。勝保窮追

一城擊安危

智勇兼綜

儒將之風

賊入晉
張錫蕃
晏宗望

又藏千餘人。詔賞余炳等城守之功。懷慶失守。則大河南北。無復堅城。賊可以長驅北侵。安危所繫。其大也。二將櫻孤城。而十餘萬賊。留攻者五十六日。畿內因得嚴備。勝保智勇兼綜。自當矢石。視死如歸。戰罷回營。則輕裘緩帶。好接文士。綽有儒將之風。

河南賊入山西。殺河東巡撫張錫蕃。

賊敗于懷慶。南阻黃河。北隔太行。東避重兵。直衝山西之垣曲縣。殺張錫蕃。及知縣晏宗望。旋破曲沃。據平陽。未幾。為官兵所克復。詔以勝保為欽差

神雀刀

惠親王

賊犯趙

罪訥爾額

僧格林沁

復深州

大臣。賜神雀刀。諸將有不遵約束者。先斬後聞。

命惠親王為奉命大將軍。討晉省賊。

勝保追擊賊于晉省。賊由潞城黎城。入直隸境。進至深州。詔罪直隸總督訥爾額。褫其職。勅惠親王為大將軍。科爾沁郡王僧格林沁。為參贊大臣。統四將軍。督旗營察哈爾精兵。會勝保進勦。賊犯晉豫。燕趙首。李開芳林鳳祥也。

欽差大臣勝保破賊。克復深州。

賊自深州。犯欒城。一帶烽火。不絕於道。及聞大將軍征討。賊情震慄。勝保先驅。統馬隊突賊。殺數百

津州抄要 卷之四 高書堂

人遂復深州城。

巡撫江忠源等敗于田家鎮。賊陷黃州。知府金門死之。又陷漢陽。知府俞舜卿死之。

田家鎮敗 金門 俞舜卿 李榕 杜文浩 徐豐玉 張汝瀛 劉鴻庚

江忠源自南昌赴九江。至則城已陷。賊據田家鎮之牛壁山。俯瞰。礮擊甚烈。同知勞光泰兵不戰而潰。又多降賊。忠源身親搏戰。賊來益多。官軍遂敗。知州李榕。知縣杜文浩。徐豐玉。張汝瀛戰死。賊水陸並進。先陷黃州。知府金門罵賊被害。漢陽知府俞舜卿抱印投水死。知縣劉鴻庚亦殉難。賊犯天津。鹽官文謙迎戰破之。

突天津 文謙

數十捷

賊自懷慶潰圍尚有二萬餘人。揚秀清由金陵遣朱錫珉往援。沿途脅從亦不下二萬。合黨犯天津。時大沽守備已嚴。長蘆鹽官文謙督戰。多斬悍賊。勝保又追至青海縣。前後數十戰皆捷。

舒城陷 呂賢基 賚音太 伍登庸 馬三俊

秦日綱陷舒城。刑部侍郎呂賢基拒戰死之。秦日綱犯集賢關。各路兵連戰皆敗。游擊賚音太伍登庸死之。賊轉犯桐城。邑紳馬三俊率鄉勇迎戰而敗。城遂陷。呂賢基方駐舒城。誓死同守。衆勸曰。公無守土責。又未司一兵。今賊鋒銳甚。宜退為後圖。賢基叱曰。吾奉天子命。治鄉兵殺賊。事不濟

精紀覽要 卷之四 共 萬壽堂

僚屬皆殉

命也。退將安之。遂率士民登陴力捍。賊勢益急。城陷死之。僚屬皆殉。

崇陽捷

知府江忠濟大破賊于崇陽。斬陳百斗。

初江忠源援武昌。以舊部十人。屬弟忠濟。留長沙。勤王寇。及忠源勦賊。通城崇陽嘉魚賊蠶起。忠源兵少。忠濟赴援。大破賊于崇陽。斬陳百斗等數百人。進攻通城。會賊數萬。圍官軍數匝。勢甚銳。忠源拊忠濟背曰。非弟不能破此賊。語未竟。忠濟提雙刀大呼躍出。衆從之。忠源操枹鼓助戰。衆殊死鬪。賊遂大敗。禽張西園等二十餘人。湖北賊平。忠濟

雙刀呼躍

大捷

江西城守

尋守江西。賊大至。掘城崩十餘丈。忠濟督壯士。囊土塞之。賊而城又圯。築者悉陷。忠濟跳而免。次日地雷復發。賊噪登城。忠濟揮劍手斬數人。賊乃退。因蹙兵勇急築。賊復穿隧。忠濟鑿濠城下。引水注之。賊計遂屈引去。省城得全。

李續賓

知府李續賓與石達開戰武昌。大破之。

謝邦翰
湘右營

賊圍江西。曾國藩令羅澤南往援。邑紳李續賓佐謝邦翰擊賊。邦翰戰死。續賓代將之。所謂湘右營也。續賓身丈七尺。膂力絕倫。能挽三石弓。連破太和安福攸岳二州賊。擢知縣。又克於武漢興國田

清史稿 卷之四 萬曆 萬曆 萬曆

名震天下

曾軍陷彭

武昌復陷

曾國華

敗石賊

家鎮授安慶知府。知兵之名震天下。曾國藩督水師。循江下。續賓敗賊孔壠。而國藩師陷彭蠡。不能出。外江兵皆失利。賊勢復振。湘軍亦退九江。武昌復陷。國藩頓江西。饒廣告急。義寧亦陷。江西大震。續賓獨善戰。拔戈陽廣信。大破賊。乘勢下蒲圻咸寧。數戰皆捷。又屬曾國華攻武昌。屢破賊。而石達開援兵大至。續賓分軍防戰。遣壯士數百人。執所奪賊旗。誘城中。賊以為外援。出城夾攻。忽伏起破之。及達開至。鏖戰三日未決。城賊懲前敗。不敢出。續賓戰走達開。追至小龜山。斬首八百。別將亦與

望賊走

復武昌

黃池捷

兩花臺

單騎卻賊

城賊戰賽湖未解。續賓返軍援之。賊望其幟走入城。自是堅壁不出。續賓命開濠塹以絕接濟。遂復武昌。又渡江。克大冶興國。直擣九江。江南提督鄧紹良與賊戰黃池。大破之。初鄧紹良勦鎮江。援賊大至。紹良以兵少遂走。尋與諸軍攻金陵。由兩花臺直薄神策門。斬獲甚多。又率五百人援東壩。紹良單騎先衆大呼陷陣。賊辟易遂敗。紹良乘勝進屯黃池。賊俄自蕪湖來襲。紹良及其陣未定。掩擊之。斬馘無算。及勦徽州。賊援復至。紹良伏精銳于隘。獨以數騎挑戰。賊易其

清史稿 卷之四 萬曆 萬曆 萬曆

少爭攻。紹良佯北。而伏發。賊忽敗走。發源蕪湖。隨又克復。

大學士琦善督師攻揚州。

攻鎮陽

向榮屯金陵。分軍圍鎮江。琦善營揚州。督攻太急。鎮揚二城之賊久困。洪秀全使賴漢英援揚州。副

薩炳阿

都統薩炳阿率馬隊。總兵瞿騰龍。都司毛三元。率步隊衝其前。副將松齡。由水路截其後。賊退據儀

毛三元

徵安徽賊。又伺鎮江。鄧紹良迎擊破之。

賊犯天津。蒙古副都統佟鑑知縣謝子澄死之。

犯天津

勝保連捷。追賊逼天津衛。賊頗隊返衝。佟鑑擊

佟鑑

謝子澄

破賊。乘勝驟進。而馬蹶。賊叢刺殺鑑。謝子澄挺身救之。亦歿于陣。

賴漢英援揚州。城賊潰圍而走。詔褫欽差大臣琦善等職。

揚城賊脫

馮師兵潰

詔琦善等誓殲揚城賊。令無蔓延。會賴漢英來援。步步為營。死戰不退。馮景尼師長鑣遇之。先潰。城

罪琦善等

賊乘機突圍出。與漢英合。偕走和州。帝怒。命誅景尼于軍。長鑣謫戍。琦善落職。

侍郎曾國藩率水師發衡州。圍賊入長江。非水師無制死命。

曾國藩治

清史

卷之四

世光

萬壽

清史稿卷之四 萬壽堂

快蟹長龍

水勇十營

廬州陷 憚威不近 援鳳穎

遂建三省會勦議。治戰艦於衡湘。時承平日久。人不知兵。水師最屬羸舉。衆相顧愕。貽國藩銳意規畫。設衡州湘潭兩局。製造礮船。國藩精思妙詣。所治有拖罟快蟹長龍舢板諸船。遂極水戰之要。募水勇四千。分前後左右中正副。為十營。國藩自統領。發衡州大軍水陸夾江而下。軍聲大振。胡以眈陷廬州。安徽巡撫江忠源力戰死之。

江忠源平廣濟之宋關祐。至九江。賊憚其威名。不敢近。又奉命援鳳穎。凡三晝夜。行五百里。賊驚曰。來何疾也。時賊船蔽江薄城。忠源礮擊卻之。賊又

義聲震天下

力疾登陴

江忠源死節

穴地發火。城陷八十丈。忠源與弟忠濟力戰拒之。賊尸山積。遂敗退。復平安福泰。以功加二品服。義聲震天下。又奉命巡撫安徽。及胡以眈向廬州。警報日急。忠源率數百人。星馳入城。糗糧火器皆乏。越三日。賊大至。兵丁獸散。忠源力疾登陴。誓死固守。廬城周二十六里。兵僅三千。賊用地雷攻諸門。忠源親督楚勇殊死鬪。殺數百人。相持逾月。賊奪氣將遁。會有告賊以城中食盡者。賊益穿隧。城亦壞十餘丈。忠源且戰且築。賊破南門。梯而入。忠源知事不濟。引佩刀自刎。左右持之。一僕負而去。忠

清史稿卷之四 萬壽堂

劉豫鈐

馬良勳

戴良瀾

興福

陳源

艾延輝

鄒漢勳

軍律

書生倡義

會勦策

源怒嚙其耳。僕傷墜地。忠源再戰被七創。走投水而死。布政使劉豫鈐。參將馬良勳。戴文瀾副將興福。湖州知府陳源。兗縣丞艾延輝。同知鄒漢勳。皆死。城遂陷。而知府胡元煒降賊。時賊勢大振。官軍援至者十餘壁。皆不能前。忠源弟忠濬。自湖南來。戰亦不利。忠源治軍。推赤心待人。得其死力。所過秋毫不犯。每戰親陷陣。踔厲風發。能以少擊衆。故所向有功。初賊起也。王師十萬。環視莫敢先。忠源以書生倡勇敢。軍氣一變。其後楚軍豪傑輩出。卒克金陵。忠源風聲所鼓也。先是忠源建三省會勦

國藩識忠源

以圍為攻

獨流捷

策請治舟師。扼上游。曾國藩遂用此策。肅清江南。以成大功。初忠源過國藩。語移時去。國藩目送曰。平生未見如此人。必當立名天下。然當以節烈死。及忠源死。賜諡忠烈。

甲寅四年。欽差大臣勝保。大破獨流賊。

先是官兵挫折。勝保建以圍為攻之策。屢獲成效。所陷諸城。以次收復。惟獨流窮賊。負隅不下。詔促期。速清畿甸。於是臨陣之將。親冒矢石。鼓勇之卒。不避死亡。因大破獨流之巢窟。賊走據東城。又追擊破之。

堵城敗

兩湖總督吳文鎔與賊戰堵城軍敗死之。

劉富成

吳文鎔自帥七千人進薄黃州。壁堵城。會大雪。日行泥潦間。拊循士卒。而巡撫羅綸不給軍械輜糧。及賊至。文鎔自督將士力戰。都統劉富成手刃數人。軍士為之氣振。繼斬數十人。賊再犯再敗。而別賊大至。酣戰未決。火起後營。官軍驚潰。文鎔下馬。向北痛哭曰。無以對聖恩。遂投水死。及曾國藩疏陳文鎔死事之狀。并論羅綸之觀望。詔逮之。綸服藥死。文鎔性方嚴。遇事能持正。與林則徐並負天下望。為同官所齜。卒齎志以終。

吳文鎔死節

罪羅綸

負天下望

賊犯金鄉。知縣楊鄭白全家殉難。又陷臨清。知州張積功等死之。

楊鄭白張積功

河北賊勢已衰。洪秀全密令安徽賊渡河。犯山東金鄉。楊鄭白失守。全家殉難。賊乘勝。又攻臨清。勝保來援。數戰皆捷。而賊遂不屈。地雷破城。蠶擁而入。張積功與副將德慶皆戰死。未幾。河北軍來破賊。復臨清。

欽差大臣勝保破賊于曹縣。殪曾立昌。

曹縣捷

賊逸臨清。據曹縣。勝保連戰破之。追擠支河。偽丞相曾立昌溺死。餘賊殄殲無遺。東境悉平。僧格林

魏文霸

沁亦大克阜城。賊走連州。又陷高唐。知州魏文霸罵賊所殺。

賊復陷武昌。布政使岳興阿。按察使曹懋堅死之。

武昌再陷
岳興阿
曹懋堅

自賊據漢陽。武昌危如累卵。及賊來圍。巡撫青麟率千餘人屯外。兵氣不振。居民遷徙殆盡。守陴卒不滿雉堞。麟素得士心。餉乏數月。以家蓄充犒賞。

青麟不終

已而食盡。又啗糠。衆尚不忍棄去。及城陷。岳興阿曹懋堅殉難。麟將自縊。衆擁之出走。長沙被罪死。先是常德府陷。知府景星死之。

景星

提督塔齊布破賊岳州。斃曾天養。

岳州捷

先是荆軍取沔陽。楚軍復岳州。泊南津。賊悉銳來犯。揚載福親揮矛刺汪得勝。殪千餘人。彭玉麟亦破之。羅山曾國藩使鄧州總兵陣輝龍迎擊螺磯。

螺磯敗
陳輝童
沙鎮邦
褚汝航
夏益
何若禮
黃明魁
刺曾首

衆勝進。船膠沙被圍。與游擊沙鎮邦皆戰死。運使褚汝航同知夏鑾千總何若禮俱馳援之。與賊血戰。皆被傷死。并亡數百人。賊衆勝益進。塔齊布揮隊當之。親兵黃明魁陷陣。以矛刺奪髮首。即偽丞相曾天養。賊中最驍勇者也。於是賊魄潰走。楚軍亦復京山安陸。荆州軍復天門。江南軍破淳化。復太平府。

侍郎曾國藩會諸軍大破賊。復武昌漢陽。

復 武漢同日

賊守城法

五米帆

揚載福

懸重賞

賊敗岳州。退入武昌。曾國藩召諸將議取武昌之策。羅澤南水師扼長江。塔齊布陸師控洪山。諸軍進迫沙湖。賊守城之法。不守陴。而守險。其精悍者。集城外花園。外瀕大江。內枕青林湖。大營安百餘礮。勢甚嚴。然阻水陸官軍不能前。沿江船檣林立。賊酋皆以五采飾帆。粲如雲錦。官軍自螺山下勦。揚載福先戰破賊。國藩以為此關不破。則難收全捷。目分水師為兩班。一過鹽關。上鸚鵡洲。一排礮轟擊而下。並懸重賞。能得五米帆者。與十萬錢。諸

火攻

唐訓方 李光榮

賊船飛空

血肉兩飛

楊昌泗

軍為之奮力駛入。頃刻獻采帆六。賊勢不支。官軍縱火。焚二百餘船。其陸軍攻花園者。三路齊進。李續賓突江營。羅澤南擊湖營。唐訓方李光榮衝中營。同時縱火。與江中烟焰相合。天光殷赤。漢關白沙賊壘盡陷。李孟群率諸隊進攻武昌門外之鮎魚套。賊誤失火藥。大艦霹靂一震。眾船皆飛。賊尸落半空。是夜稍息。詰朝猛攻。諸軍之士皆奮。無不一當百。血肉兩飛。凡大戰兩日。盡焚賊船。賊夜開關逃竄。塔齊布要路盡斃之。遂取武昌。彭玉麟揚昌泗亦攻漢陽。拔之。同日復兩城。不過午未之間。

許賡藻

興國黃梅捷

知府許賡藻追餘賊。亦拔黃州府。提督塔齊布。知縣羅澤南。破陳玉成。復興國黃梅。

焚鐵鎖

面中石

戒輕進

陳玉成由興國犯大冶。以拒武昌官軍。羅澤南馳赴興國。破賊。追殺十餘里。遂復城。塔齊布突大冶。怒馬衝陣。手斬賊首。追至南關。殪千餘人。兩軍進取。又克于半壁山田家鎮。賊又渡江來犯。復夾擊破之。焚橫江鐵鎖。及數千艦。進取廣濟。斬雙城賊三千。塔齊布特進。突黃梅城。肉薄而登。賊力拒。士多傷。齊布面中石。血流不已。督戰益激。遂拔城。曾國藩疏陳戰狀。詔戒其輕進。齊布讀之感泣。誓思

九境九江捷

李鴻章

報恩

侍郎曾國藩督諸將。與陳玉成戰。孔壠九江破之。

陳玉成黃梅敗後。令安慶賊。據孔壠驛。與對岸九江賊相連。曾國藩督諸將。遣李孟群。率水師攻之。七戰七捷。悉焚潯江船。塔齊布李續賓羅澤南。亦會勦大克。賊尸山積。小池之賊。望風遁。諸軍進攻九江。破羅大綱。盡焚其船。

編修李鴻章。三戰破賊。取含山城。

巡撫福康安。久攻廬州不下。欲斷賊接濟。而以東南通巢湖。賊運糧不絕。康安計。先取含山巢縣。始

嫺韜略

能制其死命。然以地遠勢險。難其人。翰林編修李鴻章合肥人。有膽略。嫺韜略。先受呂賢基之薦。以

莫青雲
輯順

赴皖。在廬州戎幕。至此慷慨請行。康安壯之。鴻章率千總莫青雲之練兵。會佐領輯順之吉林馬隊。繞道赴含山。督兵進攻。三戰三捷。又携攻具直薄

復含山

城。急擊賊。尸紛墜。忽城中火藥震裂。賊自驚亂。兵勇乘機奮登。斬二千人。遂復含山。又移軍攻巢縣。徽寧道員何桂珍破李兆受于鶴城。降之。

何桂珍

何桂珍雲南人。戊戌進士。選庶吉士。尋擢侍講。入直上書房。及廣西盜賊起。數批疏言軍事得失。天

想望風采

下想望風采。出為徽寧池太廣兵備道。時安廣久陷。桂珍所治。在江南阻賊。漸募鄉勇。率二百人。西

鶴城捷

至鶴山。號召土兵三千人。激以忠義。破李兆受于鶴城。兆受故河南捻匪之魁。有眾數萬。至是為桂珍所破。桂珍又檄商城團丁。扼賊歸路。自進擊兆

李賊降

受。兆受窮困。與馬超江等相繼來降。桂珍命散脅從萬人。百姓懽呼。餽餉不絕。軍因大振。

乙卯

五年。江蘓巡撫吉爾枕阿破賊復上海。自三年秋。土寇據上海。與粵賊相通。上海屬洋商

總埠。百貨盈。為賦稅所出。官兵攻勦。累歲無功。

吉爾枕阿
洋商總埠

帝嵩林
石景芬
劉存厚

吉爾杭阿與參將帝嵩林水陸並攻浙江道員石
景芬亦會戰江寧知府劉存厚施地雷壞城諸軍
勇登禽斬謝安邦劉麗川江西賊又陷饒州曾國
藩自馳援之

河北平

郡王僧格林沁禽林鳳祥河北賊平
僧格林沁破賊于連鎮禽林鳳祥送京師凌逢僧
王復移師拔高唐賊渡河北保馮官復進擊禽李
開芳等八酋誅之

武昌三陷
陶恩培
多山

賊復陷武昌城巡撫陶恩培知府多山死之
賊據漢陽漢口為犄角恐水師攻擊不敢渡江武

陶德壽

昌省城兵力雖單尚能自保陶恩培多山嬰城固
守賊遽取道青山來攻城胡林翼李孟群在外破
賊忽顧武昌火起急馳回則城已陷恩培山與游
擊陶德壽皆力戰死之

復徽歙

徽州知府石景芬連戰破賊復徽歙婺源
徽州居環山之中地勢險扼賊未輕犯會土寇誘
賊陷之石景芬請援巡撫何桂清連戰皆勝復徽

何桂清

州歙縣乘勝又取休寧賊走入婺源景芬又攻下
之江西軍亦破江浦荊州軍克仙桃鎮江西軍復
饒州

西安將軍扎拉芬與賊戰隨州死之。

扎拉芬

隨州敗

扎拉芬由陝西統兵至襄陽會賊破參將劉富成

犯隨州扎拉芬迎擊斬千餘人賊繼來愈多扎拉芬受重傷猶裹瘡血戰遂歿

以荊州將軍官文為湖廣總督

官文代楊

扎拉芬已敗賊棄隨州破德安府豫州戒嚴先是湖廣總督楊需之軍敗于廣濟詔褫其職以官文代之文分諸將扼襄河潛江自赴襄陽為之節度

尋復雲夢應城軍威復振

復廬州

欽差大臣和春巡撫福康安破賊復廬州府

福康安

數百戰

鄭魁士

自廬州陷已二年和春福康安駐軍于三里岡大
小數百戰屢勝而城未拔賊援日至者亦敗去於
是兩將臨陣疾攻鄭魁士等架梯先登發火箭大
破之焚五千餘人遂復城浙軍亦復安徽石埭楚
軍平德安漢川等

湖南提督塔齊布討賊卒于軍

塔齊布卒

曾國藩治鄉兵也塔齊布衣短後衣帶刀日侍國

藩與語奇之薦其忠勇可大用齊布素以智勇顯

所向無堅敵在湖南屢著戰功此月攻具大具傳

令攻九江城病起卒年三十九為人忠孝涅忠臣

無堅敵

漢書卷之四 漢書卷之四

臂涅忠臣
報國字

絕技
莽阿布

復義寧

吳錫死

捷羅澤南連

報國字於左臂。居常恂恂如無能。及臨陣。先士卒。他軍或卻。必策馬馳救。常負火槍。佩雙刀。提長矛。用之精妙無虛發。其弟莽阿布先一年戰死于獨流。

賊陷義寧。都司吳錫光敗死。按察使羅澤南破賊復城。

賊陷義寧。都司吳錫光往援。全軍覆沒。錫光素有驍名。已死。江西軍喪氣。羅澤南代之進勦。遇賊梁口。澤南張三伏破之。斬數百人。進據雞鳴峰。義寧全城在目中。又大戰殪七千人。次日復薄戰破之。

悉焚沿江壘柵。是夕賊棄城走。遂復義寧。以功加布政使銜。

胡林翼

公私掃地

禽陳賊

湖北巡撫胡林翼破賊金口。禽陳大為。遂復漢陽。先是楊霈之師潰廣濟。胡林翼請曾國藩以所部千人回援武昌。到則半日城陷。漢陽亦失。林翼與彭玉麟水師扼賊防趨軼。時武昌三次淪陷。公私掃地。無資可辨。林翼曰。不攻漢陽。則荆襄梗塞。不攻武昌。則咸蒲騷擾。乃分兵三路設伏。親率大隊旋繞與賊戰金口。禽偽丞相陳大為。殺七百人。賊又率大隊六路來犯。林翼發伏襲後。賊敗入城不

青史覽 卷之四 四 聖

火龍船

復出。此戰也。禽斬千餘。淹死無算。林翼乘勝由金口渡江。以火龍船破浮橋。水陸夾攻。遂取漢陽鎮。布政使羅澤南與石達開戰。義寧大破之。

義寧捷

平賊策

羅澤南上書曾國藩曰。武昌居吳楚上游。九江為豫章門戶。今為賊所據。江西之義寧武甯。湖南之平江臨湘。均無安枕之日。欲克九江。必由武漢而進。欲克武昌。必由崇通而入。國藩因奏。使澤南回援武漢。而以彭三元。普承堯副之。進攻通城。悍賊萬余人。見官軍至。突出擊之。澤南令軍士席地坐。待賊逼。大呼齊起。大破之。斬賊酋三人。明日復戰。

彭三元
普承堯
通戰
坐地破賊

楊岳斌

高壘與城
將

詭計收勝

奪門入。遂取城。尋克崇陽。敗于木梯山。再戰大捷。進攻蒲圻。不利。復殊死登攻。遂拔咸甯。自是武昌以南。無賊蹤。而石達開乘虛入義甯。江西賊勢日棘矣。澤南會胡林翼。楊岳斌。自率湘勇營。洪山。林翼壁城南。岳斌屯金口。為水師犄角。時賊築十三壘于武昌城外。高與城埒。悍賊二萬。突出甚銳。林翼奮戰。旋卻旋進。紛拏不決者數次。澤南潛師出賽湖堤。林翼見之。佯敗走。賊追躡甚急。澤南俄出其背。夾擊破之。賊皆縋城入。澤南又攻拔東南壘。造浮橋。進攻八步街。奇兵襲後。立取之。焚其船廠。

捷 羅澤南連

毀石壘

劉騰鴻

劉希洛

周鳳山

藤牌手

殺數千人。賊復由竇出。斷軍後。澤南與李續賓夾擊。又斬數百人。再誘賊入伏。殺千人。賊怒。大隊衝伏。復擊殪數百人。是夜賊築石壘。壘城。澤南薄擊毀之。續賓別出窰灣。絕餉道。賊八千人。攻其後。澤南使劉騰鴻出洪山東。自出其西。又殪千餘人。賊自是閉城不復出。

賊犯瑞州。副將周鳳山赴援破之。

賊入瑞州。知府劉希洛拒戰歿于陣。曾國藩遣副將周鳳山率九江全軍援之。遇賊于樟樹鎮。鳳山令曰。賊稱勁悍者。唯藤牌手。我軍鈎連槍。足制之。

勾連槍

努力毋退。乃選槍手數隊。破之。斬驍銳六百人。鳳山又會水師營官劉于淳築壘艦。斬千餘人。復瑞城。

清史攬要卷之四終

清少納言 卷之四 蘭書堂

明治十年二月廿四日版權免許
同年六月 出版

定價壹圓廿錢

著者

東京第五大區三小區
下谷徒士町一丁目八番地
東京府士族

增田

同 同區同町五番地
同府士族

龜谷

同 第四大區五小區
湯島松住町四番地
同府平民



出版人

發兌人

別所平七

48-12801

發兌書肆

大坂心齋橋南筋	同 北筋	日本橋南壹丁目	同 二丁目	同 二丁目	芝大神宮前	同	横山町一丁目	同 三丁目	同 三丁目	淺草茅町二丁目	小石川大門町	淺草廣小路	馬喰町二丁目	池ノ端仲町	神田須田町	淺草清島町
敦賀屋	河内屋	須原屋	山城屋	須原屋	和泉屋	和泉屋	和泉屋	出雲寺	和泉屋	須原屋	須原屋	須原屋	須原屋	須原屋	須原屋	須原屋
九兵衛	喜兵衛	茂兵衛	佐兵衛	新兵衛	吉兵衛	市兵衛	萬次郎	右衛門	伊右衛門	伊右衛門	伊右衛門	伊右衛門	伊右衛門	伊右衛門	伊右衛門	伊右衛門

010190529881

